

Bosna i Hercegovina
Federacija Bosne i Hercegovine
Tuzlanski kanton
Općina Teočak
Broj: 02-11-332-11/22
Teočak, 16.08.2022. godine

Na osnovu člana 69. stav (1) tačka b) i stav (3), člana 70. stav (1), (4) i (6), člana 72. stav (3) tačka f) Zakona o javnim nabavkama („Službeni glasnik BiH“ broj: 39/14), i člana 43. Statuta općine Teočak („Službeni bilten općine Teočak broj: 5/08, 2/12 i 01/22), Općinski načelnik donosi:

ODLUKU o poništenju postupka javne nabavke

Član 1.

Poništava se postupak javne nabavke računara i printera iz razloga što je izabrani ponuđač „Max trgovine“ doo Zenica odbio zaključiti ugovor pod uslovima navedenim u tenderskoj dokumentaciji i ponudi koju je dostavio. Obzirom da je pristigla samo jedna ponuda za navedenu nabavku, Ugovorni organ je donio Odluku o poništenju postupka javne nabavke.

Član 2.

Za izvršenje ove odluke zadužuje se Služba za privredu, finansije, prostorno uređenje i civilnu zaštitu.

Član 3.

Ova Odluka stupa na snagu danom donošenja i objavit će se na web stranici Općine Teočak www.teocak.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama („Službeni glasnik BiH“ broj: 39/14).

Obrazloženje

Općina Teočak je Odlukom o pokretanju postupka javne nabavke konkurenstkim zahtjevom pokrenula postupak nabavke računara i printera broj: 02-11-332-3/22 od 10.06.2022. godine i istog dana je objavljeno Obavještenje o nabavci broj: 98-7-1-38-3-9/22. Komisija za javne nabavke, koja je imenovana Rješenjem broj: 02-11-332-4/22 od 20.06.2022. godine, je blagovremeno i pravilno izvršila otvaranje ponuda i ocjenu prispijelih ponuda, o čemu je sačinila i odgovarajuće zapisnike u kojima je utvrđeno sljedeće:

- da je ukupan broj pristiglih ponuda jedna (1)- ponuđač: Max Trgovine doo Zenica
- da je blagovremeno zaprimljen jedna (1) ponuda- ponuđač: Max Trgovine doo Zenica
- da je broj prihvatljivih ponuda jedna (1) ponuda- ponuđač: Max Trgovine doo Zenica
- da je broj neprihvatljivih ponuda nula (0)

Komisija za javne nabavke je izvršila detaljan pregled prispjele ponude, te Preporukom broj: 02-11-866-8/22 od 01.07. predložila Općinskom načelniku donošenje Odluke o izboru najpovoljnijeg ponuđača i da se Ugovor o nabavci računara i printera dodijeli ponuđaču Max Trgovine doo Zenica. Uz Preporuku, Općinskom načelniku su dostavljeni Zapisnik o otvaranju ponuda broj: 02-11-332-6/22 od 01.07.2022. godine kao i Zapisnik o pregledu i ocjeni ponuda broj: 02-11-332-7/22 od 01.07.2022. godine.

Općinski načelnik je donio Odluku o rezultatima okončanog postupka javne nabavke i izboru najpovoljnijeg ponuđača dana 04.07.2022. godine. Ponuđač Max trgovine je Odluku zaprimio dana 06.07.2022. godine i u ostavljenom roku dostavio kvalifikacionu dokumentaciju- dokaze tražene tenderskom dokumentacijom u skladu sa članom 45. Zakona o javnim nabavkama („Službeni glasnik BiH“ broj: 39/14).

Nakon kompletiranja tražene dokumentacije, Ugovorni organ- Općinski načelnik je potpisao Ugovor o nabavci računara i printera broj: 02-11-332-10/22 i isti uputio putem pošte prema odabranom ponuđaču. Odabrani ponuđač Max trgovine doo Zenica je odbio zaključiti ugovor pod uslovima navedenim u tenderskoj dokumentaciji i ponudi koju je dostavio te nepotpisane i neovjerene Ugovore vratio na adresu Općine Teočak koji su zaprimljeni dana 15.08.2022. godine.

Članom 72. stav (3) Zakona o javnim nabavkama („Službeni glasnik BiH“ broj: 39/14) je predviđeno da Ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača zbog navedenog slučaja u prethodnom stavu ove Odluke. Međutim, kako je bila pristigla ponuda od samo jednog ponuđača i da je isti odbio potpisati Ugovor donešena je Odluka o poništenju postupka javne nabavke.

Pouka o pravnom lijeku

Protiv ove odluke može se izjaviti žalba najkasnije u roku od 5 (pet) dana od dana prijema ove Odluke.



Općinski načelnik
Fajib Muminović

Dostaviti:

- Max trgovine doo
- web stranica
- a/a